



सानसेयारि बड'सा

सानसेयारि "बड'सा" श्रीरंगलाइयाव सानसेयारि जिज्जो लोब्बा थानाय रायथाय, सन्थाय, अल्ल, अल्ल'बाथा आरु दावबायारि थावनि, पार्क बाइदिनि सायाव लिबनाय लिबिदिदाँ दैथाय हर/ सानसेयारि "बड'सा" श्रीरंगलाइया स्वेबस्त्रानावै फोस्त्रावणेन्।
बड'सायाव लिब'हरनायनि हुदां स्रालाम्, "बड'सा" श्री नैथं, जै बयबो आंगो स्रालाम्।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बटिसि-783370
Website: www.bodosanewspaper.com

गपीनाथ बरदलै हारिमायारि उरां जाहाज गाथोननि टार्मिनेलखौ फिन फोजौखानाय आरो जौगाखां होनो गिबि मन्थि ड० हिमन्त बिश्व शर्माआ बेखेवनानै होबाय

गपीनाथ बरदलै हारिमायारि उरां जाहाज गाथोनखौ इयुनाव खोला-सान्जा एसियानि दर्जा मोखां महरै सोरजिनाय जागोन: गिबि मन्थि

दिसपुर, 5 फेब्रुवारी: आसामनि गिबि मन्थि ड० हिमन्त बिश्व शर्माआ दिने गपीनाथ बरदलै हारिमायारि उरां जाहाज गाथोननि टार्मिनेलखौ फिन फोजौखानाय आरो जौगाहोनायखौ बेखेवना होयो। बेखौ लोब्बा लानानै खौरां गिज्जो बाश्चा सावरायलायनायाव गिबि मन्थिआ बुंदेदि, दिने बेखेवनाय बे थांखिफोरनि सिडाव उरां जाहाज गाथोनिसिम दावबायारिफोरनि हान्था-मेलाया



खाबु गोनां जानावबायदियै सिगांथिजायनि प्लेटफर्म ओन्सोलखौ 270 बर्ग मितारनिफ्राय 1000 बर्ग मितारसिम बांहोनायजौं लोगोसे उरां जाहाज गाथोनिसिम हाबग्रा लामानि अन्जिमाखौ 8 लेनिसिम बां'होनाय जादों। बेनि अनगायैबो उरां जाहाज गाथोननि हाबग्राखौ जोबोद गोथा-सोमखोर खालामना लाखिनायनि बाहागो महरै 300 (□ 6 बिलाइआव)

राइज्यो सभायाव हादतगिरिनि बिबुंधि होनायखौ एमपि रोनगोरा नार्जारी साबायख 'र होदों

भवानिपुर, 5 फेब्रुवारी: संसदआव भारतनि हादतगिरि द्रौपदी मुर्मुनि बिबुंधि होनायखौ लानानै आसामनिफ्राय बिसायख' जानाय राइज्यो सभानि एमपि रोनगोरा नार्जारीआ साबायख 'र बाउनानै बिबुंधि लाखिदों। मंगलबारखालि राइज्यो सभानि जथुमाव एमपि रोनगोरा नार्जारीआ हादतगिरि द्रौपदी मुर्मुनि बिबुंधि होनायखौ (□ 6 बिलाइआव)



समाजआरि बिजोडाव बिटिआरनि मावफुं सोद्रोमा आरो एमसिएलएनि हेंथायै नंखाय बाश्चा फोसावनायनि अजद

सानै सुबुंनि हेंथायै थानायाव एजाहार होदों एमसिएलए जय मुसाहारिआ



भवानिपुरनिफ्राय राजिब तालुकदार, फेब्रुवारी: बिटिआरनि मावफुं सोद्रोमा रन्जत बसुमतारि आरो सालबारि बियाबनि एमसिएलए जय मुसाहारिनि हेंथायै समाजआरि

मेलनि गेजेरजों। सालबारि महकुमानि सिडाव थानाय साउदरभितानि कमिउनिटि न'ब्लांआव दिने एमसिएलए जय मुसाहारिआ खुंनय मोनसे खौरां मेलआव अजद लाबोदोंदि-बावैसो सिगां जितुल हुसेइन आरो श्वाह आलम मुनि सानै सुबुंफोरा बिटिआरनि सालबारि बियाबनि एमसिएलए जय मुसाहारि आरो बिटिआरनि मावफुं सोद्रोमा (□ 6 बिलाइआव)

आलिपुरदुवारआव गिखंथाव अरजों गं 8 गलाफोरा सेव-हांगार



आलिपुरदुवार, 5 फेब्रुवारी: सोनाब बंग' राइज्योनि आलिपुरदुवारआव मोनसे गिखंथाव अर खामनाय जाथाय सोमजिनायाव गं 8 गलाफोरा सेव-हांगार जादों। पुलिस आरो अर खोमोरगा हान्जानि सुलुंनि बायदिब्ला, जायगानि सुबुंफोरा गिबियाव हरनि 1.30 रिंगासोआव अर खामनायखौ मोन्दांमोनि। जेराव ओन्सोलनि गोबां गलाफोराव अर खामगासिनो दंमोनि। उनाव अर खामनाया दान्दिसेनि गेजेरावनो अरआ गुवारि गोसारलाखे। गलाफोरनि साखाथियाव गंसे नै थालानि बिदिबो दंमोनि आरो अरआ बे नसिमबो गोसारदंमोनि। (□ 6 बिलाइआव)

आइन बेरेखा जावनाय खामानिनि हेंथायै तामुलपुर जिल्ला खुंथाइया गोखों बिथोन होदों



तामुलपुर, 5 फेब्रुवारी: तामुलपुर जिल्लानि कुमारिकाता हाग्रा ओन्सोल मावखुलिनि सिडाव थानाय कालानदी दैसानि महलआव थानाय रबिबाखाखलि हर समाव आइन बेरेखा जावनाय खामानियाव अन्जना दास मुनि सासे 40 बोजोर बैसोनि आइजो खामानि मावग्राया अबथियै जाब्रवथाइजों जिउ गोमादोंमोनि। (□ 6 बिलाइआव)

झुमुर मोसानाय नायनो गाहाइ मन्थि मदिया आसामाव फैगोन सा 7500 झुमुर मोसाखावरिफोरा मोसानायाव बाहागो लागोन

गुवाहाटी, 5 फेब्रुवारी: वर्ल्ड रेकॉर्ड सोजिनो झुमुर मोसानाय आरो एडभान्तेज आसामनि नैथि खोलोबआव बाहागो लानो गाहाइ मन्थि मदिया फैगौ 24 फेब्रुवारीआव सानैनि हाबाफारि लानानै आसाम दावबाय फैगोन। दावबायनायनि गिबि सानखालिनो गाहाइ मन्थि मदिया सरसजाइ स्टॅडियमआव राइज्योनि सा 7500 झुमुर मोसाखावरिफोरा खेबसेआवनो मोसानै दिन्थिफुंगोन साहा सुबुंहान्जानि सोलिनानै फैनाय झुमुर डेन्सखौ। हान्जायै मोसानानै दिन्थिफुंगो गोनां बे झुमुर मोसानायजों वर्ल्ड रेकॉर्ड सोजिनायनि मिजिंथि लादों। (□ 6 बिलाइआव)

टंला फरायसालिमानि सनाथि माइथाय फोर्बो

गाब गोनां आरिमु-हारिमुजों हारिमुआरि लामा हान्जा सुरनाया बयनिबो गोसोखौ बोनो हादों

उदालगुरि, 5 फेब्रुवारी: उदालगुरि जिल्लानि जारिमिनारि टंला फरायसालिमानि गोमाथाव सनाथि माइथाय फोर्बोआ दिने 5थि सानखालिबो जोंगा-मागा गोसो बोजानायजों खुंजादों। गुबुन गुबुन हारि-हारिसानि गाब गोनां आरिमु-हारिमुनि गेजेरजों रोजा-रोजा फरायसा, आफाद-फसंथाननि सुबुंफोरा बाहागो लाफैनाय गेदेत हारिमुआरि लामा हान्जा सुरनायखौ मुंदांखा (□ 6 बिलाइआव)



दिल्ली बिधान सभा बिसायख थिनि एगजित पल, गोहोआव फैफिनायनि मिजिंथि होदों बिजेपिखौ

गोदान दिल्ली, 5 फेब्रुवारी: दिल्ली बिधान सभानि भट आजावनाय हाबाफारिया जोवनानै फैनायनि उनावनो गुबुन गुबुन फसंथानफोरनि (एगजित पल) सिगांग्रों फिथाय हमदंनानै फोसावनाया आखाइ बेरनायबादि नुजानो हमदों। फोसाव जानाय एगजित पल एबा सिगांग्रों फिथाय फोसावनाय बादियै दिल्लीनि खुंथाय गोहोयाव बिजेपिआ फैफिनायनि बाश्चा होनायखौ नुनो मोन्दों। माखासे फसंथाननि एगजित पलआव बिजेपिखौ गोबां मासि मोनगोन होनानै बुंदों। पिपुल्स पालस एन्ड पडेमनि हमदंनय बादियै, दिल्लीआव बिजेपिया मोन 70नि गेजेयव मोन 51 निफ्राय 60 मासि मोनगोन। बेराफसैं आपया मोनगोन 10 निफ्राय 19 मासि। पिपुल्स पालस एन्ड पडेमनि हमदंनय बादियै दिल्लीयाव कंग्रेसया खाताखौ खेवनो हायाखै। (□ 6 बिलाइआव)

कक्राझारआवबो सानैनि हाबाफारिजों जागायबाय जिल्ला थाखोनि 'खेल महारन 2.0' गेलेमु बादायलायनाय



कक्राझार, 5 जानुवारी: आसामनि गुबुन गुबुन जिल्लाफोरजों लोगोसे कक्राझार आवबो खुंजादों जिल्ला थाखोनि खेल महारन 2.0 गेलेमु बादायलायनाय। जिल्लानि सिडाव थानाय मोनबा बिधान सभा बियाबनिफ्राय गोबां गेलेगिरिफोरा बाहागो लादों दिनेनिफ्राय जागायनाय बे खेल महारन 2.0 गेलेमु बादायलायनायाव आसाम (□ 6 बिलाइआव)

जपादंआव ग्राम्य बिकास मन्वअ गासै गामियारि जौगाथाय हाबाफारि बेखेवदों



मुसलपुर, 5 फेब्रुवारी: बाक्सा जिल्ला धमधमा जौगाखां खोन्दोनि सिंआव थानाय जपादं हालाम मिलन सकनि लक्षि पुजा सायना सालियाव आसामनि बाक्सा आरो नलबारि जिल्लाफोराव गुवार गामियारि जौगाथाय हाबाफारि मावथांखि

बेखेवदों। ग्राम्य बिकास मन्व मुनि एन जि आ आ। एइस.डि.एफ.सि. बैंकजों मदत होजानाय ग्राम्य बिकास मन्वअ दिने मोनसे हाबाफारिनि गेजेरजों बे मावथांखिखौ बेखेवनानै होयो। बेफोरनि गेजेराव (□ 6 बिलाइआव)

